

Přisaha noweje wjesnjanostki a rozžohnowanje dotalneho dołholětneho wjesnjanosty	Vereidigung der neuen Bürgermeisterin und Verabschiedung des bisherigen langjährigen Bürgermeisters
Dnja 21.04.2020 wotmě so swjatočne posedženje gmejnskeje rady w Radworju. Nimo powšitkownych dźělowych dypkow steještaj dwaj wosebitaj dypkaj na dnjowym porjedže: Nowa w februaru wuzwolena wjesnjanostka Madeleine Rentsch złoži přisahu na dobro gmejny skutkować - nastupi swoje nowe zastojnstwo 01.05.2020 - a dotalny wjesnjanosta so swjatočnje rozžohnowa. Tule někotre fakty ze 27-lětneho spomožneho skutkowanja Wincenca Baberškeho jako wjesnjanosta w Radworju: Přeni Radworski wjesnjanosta po politiskim přewróće, knjez Benno Hanski, wzda so chorosće dla srjedź lěta 1992 zastojnstwa wjesnjanosty. Z tuteje přičiny dyrbjachu so nowowólby přewjesć - hišće k postajenjam komunalneje wustawy NDR. Jako jenički kandidat powabi so knjez Wincenc Baberška jako wjesnjanosta gmejny Radwor a bu přez čłonow gmejnskeho zastupnistwa woleny - z jednym hłosom wjace, hač na kóždy pad trěbne. Dnja 01.11.1992 nastupi knjez Wincenc Baberška swoje zastojnstwo jako wjesnjanosta gmejny Radwor. 1994 wotmě so w Swobodnym staće Sakskej, dla zwjedženja noweho Sakskeho gmejnskeho porjada, nowowólby wšitkich wjesnjanostow gmejnow we Swobodnym staće Sakska. Za wólby hłownohamtskich wjesnjanosty powabi so knjez Wincenc Baberška jako jenički kandidat a bu wot wólbokmanych wobydlerow gmejny Radwor w k hłownohamtskemu wjesnjanosće woleny. Na zakładže zwjazkowego gmejnsko-reformoweho zakonja buchu w planowanski region Hornja Łužica - Delnja Šleska gmejny Minakał a Radwor k nowej gmejnje Radwor zjednoćene. Sćěh bě, zo knjez Wincenc Baberška wjace wjesnjanosta być njemóžeše ale bu wot 01.01.1999 do 21.04.1999 jako hamtski rjadowar za nowu zjednoćenu gmejnu zasadźeny. Dla zjednoćenja gmejnow běchu nětk zaso wólby wjesnjanosty trěbne. Tute wólby wotměchu so 28 měrca 1999. Knjez Wincenc Baberška powabi so a bu zaso za wjesnjanostu - nětko cyłeje zjednoćeneje gmejny woleny. Při slědowacych kóžde 7 lět so wotměwacych wólbach 19.03.2006 a 03.03.2013 přesadźi so wón wospjetnje přećilo druhim kandidatam a bu tak 5 razow zasobu k wjesnjanosće woleny! K wólbam w lěće 2020 so knjez Baberška wjace njepowabi a bu kónc apryla 2020 z džakom za wuspěšne wjelelětnje skutkowanje na dobro Radworskeje gmejny ze zastojnstwa rozžohnowany.	

From:
<http://82.165.187.122/> - Radibor - Chronik

Permanent link:
http://82.165.187.122/doku.php?id=21.04.2020_bm-vereidig_verabschied&rev=1696598097

Last update: **2023/10/06 13:14**

